

Uunga siunnersuut: Aningaasaliisunut aningaasalersuisunullu qularnaveeqqusiinermut aningaasaateqarfik pillugu inatsisip, aningaasarsiornermi patajaassuseq pillugu inatsisip aamma akileraartarnermi aalajangiisarneq pillugu inatsisip allangortinneqarnera pillugu inatsisissatut siunnersuummut Namminersorlutik Oqartussat oqaaseqaatissaat pillugu Inatsisartunut aalajangiiffigissassanngorlugu siunnersuut.

Saqqummiussineq

(Inuussutissarsiornermut Aatsitassarsiornermullu Naalakkersuisoq)

Siullermeerneqarnera

Inatsisissatut siunnersuutip siunertaraa naleqartunik tunniussinermi aaqqiissutip atuutilernerani aningaaserivinnik ajornartorsiortunik sammisaqarnermi inuinnaat aaqqiissutissaannik atuutsitsilernermi periarfissanik siuarsaaneq.

Inatsisissatut siunnersuut aqutigalugu aningaasaliisunut aningaasalersuisunullu Qularnaveeqqusiinermi Aningaasaateqarfik aningaasanik aningaasaliisinnaanernut qularnaveeqqusiinissaannullu periarfissinneqassammata, aningaaserivik ajornartorsiortoq suliffeqarfimmut allamut tunineqarneranut atatillugu aningaaseriviup ajornartorsiortup akiitsoqarfiinut matussusiinissamut atatillugu.

Malugeqquneqassaaq Inatsisartut taamaallaat siunnersuutip § 2-at aningaasarsiornermi patajaassuseq pillugu inatsisip allangortinnissaa pillugu kisiat isummerfigissammassuk.

Inatsisissatut siunnersuutip § 1-iat, aningaasaliisunut aningaasalersuisunullu qularnaveeqqusiinermi aningaasaateqarfik pillugu inatsit, kunngikkormiut aaqqiinerisigut Kalaallit Nunaannut atuutilersinnaavoq, inatsisissatut siunnersuutip § 3-at, akileraartarnermi aalajangiisarneq pillugu inatsit, kunngikkormiut aaqqiinerisigut atuutilersinnaanngilaq, danskit akileraartarnermi inatsisaannik allangortitsineq tassani pineqarmat. Akileraartarnermut inatsit sammisaavoq tiguneqareersoq, taamaammallu sammisami danskit inatsisaat Kalaallit Nunaannut atuutilersinnaanani.

Allanguutissatut siunnersuummi pineqarpoq piffissaq Kalaallit Nunaannut atuutilerfissaa, saqqummiunneqarneranullu peqqutaalluni, siunnersuut piffissami Folketingimut saqqummiunneqarsimammat, siunnersuutip Inatsisartunut saqqummiunneqarnissaanut periarfissaqannginnerup nalaani.

Sammisaq pillugu Inatsisartuni oqallittoqarluarnissaa qilanaaraara

Tassa Naalakkersuisunit oqaatigiumasat.